

**T**reuerensis Archiepiscopatus à metropoli eiusdem in eo nominis sic dictus. vrbs autem ipsa cum Italia Viterbio ac Genua de antiquitate sua certat: vtraque enim totius Europæ se primam iactat. Dicitur autem Trebetus quidam, Semiramidis Assyriorum Regina priuignus, cum à nouerca ad concubitum sollicitaretur, quò matris conspectum ac conatum euitaret, postquàm sibi de comatu viaticoque prospexisset, conscensa nauì cum comitatu suo mari se commisisse, ac post longam nauigationem ei loco quo Rhenus flu. in Oceanum effunditur, appulisse. aduerso itaque Rheni flumine ascendisse, donec ad Mosellam amnem peruenisset. cumque istum locum quo Treueris hodie sita est, ingressus fuisset, regioque agris, pratis, amnibusque irriguis amœnissima, montibusque quasi naturali muro munita arderet, illic inito cum socijs consilio, manere statuisse, qui condita ibi vrbe, eam de Principis sui nomine Trebetam appellauere. Illi itaque populi vrbe nomenque suum vetustum etiamnum seruant, vno alteroque tantum mutato elemento, vt pro Trebera Treuera nunc dicatur. quàm autem aute hoc sit commentum, vide Geographiam nostram maiorem, vel saltem bellum istum Germanicum quem Memorabilia Mundi inscripsimus, in quo & verum eius etymon inuenies. Apud hos insignis olim cognoscendarum causarum curia populi Romani erat. Archiepiscopali hodie dignitate ac principatu, nec non & electoratus titulo clara est. Habetque ecclesiam metropolitanam Mediomatricis, Leucis, Virodunensibusque presidentem. Còrinet autem Treuerensis episcopi ditio Comitatus VVirnebergensem, Spanheimensem, Manderfcheidensem & Arburgensem. Baronatus item Rifferscheidensem, Rutlingensem, & Rheineccanum. Cum multas habeat egregiasque ciuitates, omnium tamen caput est ipsa Treueris, quæ ad delicias & amœnitatem situm habet aptum satis, siue montes & valles, siue flumina & riuos prata perlantes spectare velis. Montes Bacchico cultu virent. Ager satis hic est fecundus omne genus piscis & ferinæ hic abundat. Mores hominum hic natorum plerumque tristes sunt, & ad melancholiam procliuës, sed tamen mansuescunt paulatim commercio extraneorum, & Stoicam illud supercilium còuictu quasi recreatur. Aufonius bene de Treueris meritis, alicubi de illis aptissime ait: Quin etiam mores & lætium fronte seuera Ingenium natura suis concessit alumnis. Aër frequenter hic est nubilus & pluuiosus, vt quidam huc accommodent cloacam planetarum: id tamen propter còuallam vbi nebulae suspenduntur, euenire satis liquet. In vniuersum Mosellanorum corpora laboribus mirè induruerunt, ac per montes aërios veluti capræ reptare & euadere spectantur. Palatium Treuiri est spectandæ antiquitatis. alix insuper moles adhuc extant, alix sub cœcis terræ speluncis sepulcræ iacent. Spectat ad hunc Episcopatum etiam Obrincani tractus pars, quæ paucis abhinc annis ad magnam fertilitatem est perducta; antea enim agrè produxit frumentum, nisi ager prius duobus aut tribus annis fuisset fimo tinctus ac pinguefactus. nunc verò omnia ibi satis largè proueniunt præter vinum, quod tamen iuxta aureum fluuium, nonnullisque alijs locis crescit. Eyphalæ quoque potior pars huic Episcopatu subest, terra multum montosa & aspera, agerque præsertim in medio syluestris & squalidus, vnde præter auenam vix quicquam elici potest. versus Rhenum tamen & Mosellam fecundior est. Fluminibus autem irrigatur is tractus Kilo qui & Gelbis, Prumio, Vvro, Sara, Ahra, Sura, ac infinitis alijs ignobilioribus amnibus, torrentibus, ac riuulis, qui omnes tandem Mosellæ, quæ Obrinca Ptolemæo dicitur, commixti ad Rhenum deferuntur. Montes quibus regio asperatur, Melibosi Abnobiq; portiones sunt, alicubi Ostlingus, alibi Hairicus dicitur. Syluæ autem partim VVestervvald, partim verò Eyderuvald qui & Ebersuvald vocatur. Lacus continet hic tractus binos, quorum alter iuxta castrum Vimen extat, tantæ profunditatis, vt fundus illius nulla mensura possit deprehendi, plumbo etiam ad 300. orgyas demisso. Alter haud procul abest à monasterio quodam dicto zum Kach; profundus & hic est; nec vllum riuum recipiunt, cum multos emittant. In hoc ad Abbatiam lacu lapides inueniuntur viridis, crocei & rubicundi coloris, vt Smaragdos & Hyacinthos mentiantur. Minerarum perè omnis hic tractus fecundus est. In Comitatu Spanheimensi haud procul à Trarbacho iuxta Hernsteinensem arcem æs cuprumque purissimum eruitur, à quo nullum segregatur argentum, ob idque ductile est, cum nullum ei admisceatur plumbum. Alio in loco prope Trarbach effoditur plumbi magna copia, quod sine impensis magnis depuratur. In Birckenfeldensi præfectura, pluribus in locis argenti venæ sese offerunt fossoribus. In dominijs Sleida, Cronenburg & Keila, in valle Heilenthal dicta, sũt ferri mineræ, vbi massæ & fornaces fusiles fiunt, qui vltra citraque per Germaniam transportantur. Thermæ ægritudinibus varijs salutare, vifuntur in Bertric, distantes à Motella setquimiliario.







